

Ism Sharifi:	Ganiev Salim Karimovich
Tug'ilgan sana:	1940 yil 12 fevral
Tug'ilgan joyi:	Toshkent
Ilmiy unvoni:	Texnika fanlari doktori, professor
Ta'lim:	1956-1961 yillarda Toshkent Davlat universiteti
Yo'nalish:	Fizika
Mutaxassligi:	Fizik-radiofizik

Ganiev Salim Karimovich - Axborot xavfsizligini ta'minlash va ularni himoyalash, kriptografiya va kriptozanaliz sohasida yirik olim.

Ganiev Salim Karimovich, 1940 yil 12 fevralda Toshkent shahrida tug'ilgan. 1961 yili Toshkent Davlat universiteti (hozirgi O'zbekiston Milliy Universiteti)ning fizika fakultetini fizik (radiofizik) ixtisosligi bo'yicha bitirib, mehnat faoliyatini O'zbekiston Respublikasi fanlar akademiyasining "Xisoblash markazili mexanika instituti"da boshlagan. 1968 yili 24-mayda Ukraina milliy fanlar akademiyasining (Kiev shahri) "Kibernetika" institutida "Hisoblash texnikasi" mutaxassisligi bo'yicha "Ba'zi bir ko'pbog'lamli ob'ektlarni boshqarish tizimlarini sintezlash masalalari" mavzusida nomzodlik dissertatsiyasini yoqlagan.

1988 yil 2 fevralda Ukraina milliy fanlar akademiyasining (Kiev shahri) "Energetikada modellash muammolari" institutida 05.13.13 "Hisoblash mashinalari komplekslari, tizimlari va tarmoqlari" va 05.13.05 "Hisoblash texnikasi va boshqarish tizimlari elementlari va qurilmalari" mutaxassisliklarining birikishida "Tajribaviy egri chiziqlarni avtomatlashtirilgan ishlash tizimlarida apparat va dasturiy vositalarni tashkil etish" mavzusida doktorlik dissertatsiyasini yoqlagan.

1969 yildan to 2005 yilgacha Toshkent Davlat texnika universitetida kafedra mudiri (32 yil), professor lavozimlarida ishlagan. 2005 yildan hozirga qadar "Toshkent axborot texnologiyalari universiteti"da professor lavozimida ishlab kelmoqda.

S.K.Ganiev 300 dan ortiq ilmiy-o'quv-uslubiy ishlanmalar muallifi. S.K.Ganiev rahbarligida va bevosita ishtirokida 2 ta monografiya, 5ta darslik, 15 dan ortiq o'quv qo'llanma, jumladan 2 tasi kasb-hunar kollejlari uchun tayyorlangan. Axborot xavfsizligi bo'yicha 2000 atama va tushunchalarning rus, uzbek, ingliz tillaridagi izohli lug'ati tayyorlangan va chop etilgan. Ikkita o'quv qo'llanma Qoraqalpoq tiliga tarjima qilingan. Uning rahbarligida 211-16 KI talabasi Rustamov Umedjon 2019/2020 o'quv yilida "Prezident stipendiyasi" sohibi bo'lgan.

S.K.Ganiev o'quv-uslubiy ishlari qatorida ilmiy-tadqiqot ishlarida faollik ko'rsatadi. Uning rahbarligida 2 ta fan doktori, 8 ta fan nomzodi, 3 ta falsafa doktori tayyorlangan. Hozirda 1 ta fan doktori va 2 ta falsafa doktori darajasini olish uchun ilmiy-tadqiqot ishlariga rahbarlik qilmoqda. Undan tashqari Davlat tomonidan moliyalangan fundamental va tatbiqiy ilmiy-tadqiqot ishlariga muntazam ravishda rahbarlik qilib kelmoqda, jumladan:

- GNTP-17-010 «Spam xabarlar bilan kurashish bo'yicha qat'iy mexanizm va vositalarni ishlab chiqish» 2009-2011 yillar, 18 mln.so'm;

- F4-019 «Axborot xavfsizligi ko'rsatkichlari va mezonlari tizimini shakllantirish muammolarining tadqiqi» 2012-2016 yillar, 75 mln.so'm;
- A5-063 "Axborot kommunikatsiya tizimlarida tarmoqlararo ekranlash va monitoringlashning kompleks usulini ishlab chiqish" 2015-2017 yillar, 120 mln.so'm;
- BV F4-0023 Taqsimlangan axborot-kommunikatsiya tizimlarida intsidentlar va kiberxujumlarga qarshi xarakatlarni boshqarish muammolarini tadqiq etish 2017-2020 yillar, 220 mln.so'm.

S.K.Ganiev universitet va respublika miqyosidagi jamoat ishlarida faol qatnashgan va qatnashib kelmoqda. O'z vaqtida Respublika Oliy attestatsiya komissiyasida ekspert vazifasini bajargan. Hozirda Toshkent axborot texnologiyalari universitetida Ilmiy-texnik kengash a'zosi hamda universitet huzuridagi daraja beruvchi DSc 27.06.2017.T07.01 Ilmiy kengash a'zosi sifatida faoliyat ko'rsatib kelmoqda.